



Inatsisartuni ilaasortaq Kristian Jeremiassen  
C/O Inatsisartut Allattoqarfiat  
/Maani

### § 36 2009-132-imut akissut

6. november 2009-mi Inatsisartunut ilaasortaq Kristian Jeremiassen (Siumut) Nunamut Namminermut, Pinngortitamut Avatangiisinullu Naalakkersuisoqarfiup pilersinneqarsi-manera pillugu, suliassaqarfiit Naalakkersuisuni agguataarneqarnerat kiisalu 2009-mi Inatsisartut ukiakkut ataatsimiinneranni Nunamut Namminermut, Pinngortitamut Avatan-giisinullu Naalakkersuisup suliat akissutillu qassit akuuffigisimanerai Naalakkersuisunut apequtigai.

Aallarniutigalugu akissutip kingusinaarnera ajuusaarutigissavara. Akissummut akisu-saaffik pillugu Naalakkersuisoqarfiit marluk akornanni paatsooqatigiinnerannik tamanna pissuteqarpoq.

Naalakkersuisut aalajangernikuupput, Namminersorlutik Oqartussat kommuninut tun-ngassuteqartunik sulinerat nunaqarfinnillu sullissinerat nukittorsarneqassasoq. Inuit Ata-qatigiit, Demokraatit Kattusseqatigiillu maannakkut naalakkersuisooqatigiinnerannut ata-tillugu Nunamut Namminermut, Pinngortitamut Avatangiisinullu Naalakkersuisoqarfik pi-lersinneqarpoq aaqqissuusseqqinnerup naammassineqarnissaanut toqqaannartumik politikikkut aqutsinissaq, suliassallu pingaaruteqartut kommuninut nuunneqarnissaat qulakkeerniarlugit. Suliassanik nuussinissamut atatillugu ataqatigiissaarinermi isu-magisassat aaqqissorluarneqarput, nunaqarfinnillu oqaloqatiginnittarnerup ingerlaannar-nissaanut aaqqissuusineq patajaatsumik tungavissinneqarpoq. Tassunga atatillugu Naalakkersuisut naalakkersuisoqarfiup pilersinneqarnerata kingorna Naalakkersuisut, Kommunit Kanukokalu oqaloqatigiinneq pitsaasumik aallartinneqarsimasoq naammagi-simaaralutik oqaatigisinnaavaat.

Peqatigisaanik Naalakkersuisoqarfiup pilersinneqarnera avatangiisinut tungassutilinnik sulinerup pinngortitamillu aqutsinerup annertuseriarnerannut Naalakkersuisut kissaati-gisaatut ersiutaavoq. Nunatsinni eqqagassanik passussisarneq pillugu kommuninik oqa-loqateqarnerup aallartisarnissaa Naalakkersuisut pisariaqartippaat, kissaatigalugulu tim-misartoqarfiusimasuni, tassunga ilanngullugu Dundas, saliinermut tungasunik sulineq nukittorsarneqassasoq. Aamma ikuallaasarfii kiak sinneqartoortigisartagaat atorluar-neqarnerunissaa pisariaqarpoq kiisalu ilaatigut illunik iluarsaassinermi akuutissat toqunartullit saqqummersartut passunneqartarnerisa sukateriffigineqarnissaat, tassunga ilanngullugu PCB, pisariaqarpoq. Aamma pinngortitamik aqutsinermut atatillugu suli-nerup nukittorsarneqarnissaa pingaaruteqarpoq, taamaalilluni uumasut assigiinngitsut amerlanissaat qulakkeerneqassaaq nukittorsarneqarlunilu, peqatigisaanillu pisuussutit uumasut nungukkiartuutaanngitsumik atorneqarnissaat qulakkeerneqassalluni.

9. december 2009  
Sagsnr. 2009-023277  
Dok. Nr. 272946

Postboks 1015  
3900 Nuuk  
Tlf. (+299) 34 50 00  
Fax (+299) 32 50 02  
E-mail: govsec@gh.gl  
www.nanoq.gl

Nunamut Namminermit, Pinngortitamat Avatangiisinullu Naalakkersuisoqarfiup pilersin-  
neqarnerani suliassaqarfiit arlaqartut katersorneqarput, taakkulu ataatsimoorutigaat suli-  
assaqarfiit avatangiisit nunami qanittumiittunut tunngagamik.

Ilanngullugu ilisimatitsissutigineqarsinnaavoq Nunanmi Namminermi, Pinngortitamat  
Avatangiisinullu Naalakkersuisoqarfiup § 36-mut apeqqutit pingasut kiisalu Inatsis-  
artunut ilaasortanit apeqquteqaatit marluk akinikuullugit kiisalu UKA 2009-ip ingerlanera-  
ni suliani arlalinni tusarniaanernut arlalinnut tusarniaaffigineqartarsimalluni. Tassungalu  
ilanngullugu oqaatigineqassaaq soorunami apeqqutigineqartuinnaat taamaallaat aki-  
neqarsinnaammata.

Naggasiutigalugu erseqqissaatigineqassaaq, Naalakkersuisut suliassaqarfiisa agguata-  
arneqarnerat Naalakkersuisut Siulittaasuannit aalajangiiffigineqartarmat, takuuk Inatsis-  
artut Naalakkersuisullu pillugit Inatsisartut Inatsisaanni § 4, imm. 3.

Inussiarnersumik inuulluaqqusillunga  
Med venlig hilsen

Kuupik Kleist